

Na osnovu člana 50. i člana 146. Statuta Općine Novo Sarajevo ("Službene novine Kantona Sarajevo", br. 35/10) i člana 21. stav 2. Odluke o izvršavanju Budžeta Općine Novo Sarajevo za 2017. godinu ("Službene novine Kantona Sarajevo", broj 16/17 od 27.04.2017. godine), Načelnik Općine Novo Sarajevo donosi

ZAKLJUČAK

O IZDVAJANJU SREDSTAVA IZ BUDŽETSKE REZERVE

1. Odobrava se iz sredstava Budžeta isplata u iznosu od 5.000,00 KM (pethiljada) KM, u svrhu sufinansiranja kupovine motornog vozila - kombija, u cilju pomoći redovnoj

organizaciji nastave i vannastavnih aktivnosti Škole za srednje stručno obrazovanje i radno osposobljavanje.

2. Troškovi iz tačke 1. padaju na teret sredstava tekuće rezerve.
3. Sredstva iz tačke 1. ovog Zaključka uplatiti na račun broj 3380002210019263, ID broj 4200618630009, B.O. 2103033, vrsta prihoda 733112, općina 079, primalac Škola za srednje stručno obrazovanje i radno osposobljavanje.
4. Za realizaciju zaključka zadužuje se Služba za oblast privrede i finansije.
5. Zaključak će se objaviti u "Službenim novinama Kantona Sarajevo".

Broj 02-14-1982/17
01. juna 2017. godine
Sarajevo

Općinski načelnik
Nedžad Koldžo, s. r.

OPĆINA STARI GRAD SARAJEVO

Općinsko vijeće

Na osnovu člana 13. stav 2. alineja 17. Zakona o principima lokalne samouprave Federacije Bosne i Hercegovine ("Službene novine Federacije BiH", br. 49/06 i 51/09), te člana 24. i 68. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13), Općinsko vijeće Stari Grad Sarajevo je, na sjednici održanoj 30.05.2017. godine, usvojilo

ODLUKU

O IZMJENAMA I DOPUNAMA POSLOVNIKA OPĆINSKOG VIJEĆA STARI GRAD SARAJEVO

Član 1.

U Poslovniku Općinskog vijeća Stari Grad Sarajevo ("Službene novine Kantona Sarajevo", br. 23/14 i 48/16), u članu 1. iza stava (1) dodaju se novi stavovi (2) i (3) koji glase:

"(2) Općinsko vijeće se, u svom radu, služi bosanskim, hrvatskim i srpskim jezikom,

(3) Službena pisma Općinskog vijeća su latinica i ćirilica."

Dosadašnji stav (2) postaje stav (4).

Član 2.

U članu 8. stav (1), u drugom redu, iza zarez, brišu se riječi "u pravilu na početku sjednice", dok ostali tekst ostaje isti.

U istom članu mijenja se stav (3) i glasi:

"(3) Vijećničke inicijative, čiji sadržaj zahtijeva izjašnjavanje Općinskog vijeća i pripremu vijećnika za glasanje, dostavljaju se predsjedavajućem, najkasnije do dana slanja materijala za zakazanu sjednicu Općinskog vijeća, te moraju biti sastavni dio toga materijala, a ukoliko iziskuju dodatne finansijske troškove ili konsultacije višeg nivoa vlasti, dostavljaju se i Općinskom načelniku i radnim tijelima Općinskog vijeća, na mišljenje."

U istom članu iza stava (10) dodaje se novi stav (11) koji glasi:

"(11) Pitanja i inicijative koje se odnose na nadležnosti drugih nivoa vlasti, nadležne Općinske službe su dužne prosljediti istim, te eventualne odgovore dostaviti Općinskom vijeću, po njihovom pristizanju."

Član 3.

U članu 12. stav (3), na početku teksta, briše se riječ "Prva".

Član 4.

U članu 13. stav (1), na početku teksta, umjesto riječi "prvu", piše se riječ "Konstituirajuću".

Član 5.

U članu 14. stav (1), na početku teksta, iza riječi "Na", briše se riječ "prvoj".

Član 6.

U članu 18. stav (1), u prvom redu, iza riječi "predsjedavajućeg i" dodaje se riječ "najviše",

U stavu (2) istog člana, na početku teksta, umjesto riječi "Na prvooj", pišu se riječi "Na konstituirajućoj".

Stav (3) istog člana mijenja se i glasi:

"(3) Mandat predsjedavajućeg i zamjenika predsjedavajućeg traje koliko i mandat Općinskog vijeća ili kraće, na način i pod uslovima propisanim ovim Poslovníkom".

Član 7.

Član 20. stav (2) se mijenja i glasi:

"(2) Radno-pravni status predsjedavajućeg i zamjenika predsjedavajućeg, utvrđuje Općinsko vijeće prilikom izbora, a na osnovu prethodnog izjašnjavanja kandidata."

Član 8.

U članu 22. stav (1) briše se alineja 3.

U istom članu dodaje se novi stav (2) koji glasi:

"U radu Kolegija učestvuje sekretar Općinskog vijeća, bez prava odlučivanja."

Dosadašnji stav (2) postaje stav (3), stav (3) postaje stav (4) i tako do kraja teksta ovoga člana.

Član 9.

U članu 23. stav (1), u prvom redu, iza teksta: "Za pripremanje i razmatranje" brišu se riječi "prijedloga odluka i drugih akata" umjesto kojih se piše tekst:

"materijala iz svoje nadležnosti koji su u prijedlogu dnevnog reda zakazane sjednice Općinskog vijeća"

Iza stava (1) istog člana dodaje se novi stav (2) koji glasi:

"(2) Radna tijela Općinskog vijeća su dužna, putem Stručne službe Općinskog vijeća, zaključke donesene u vezi razmatranja materijala iz stava (1) ovog člana, dostaviti Općinskom vijeću, najkasnije jedan dan prije održavanja zakazane sjednice Općinskog vijeća".

Dosadašnji stavovi (2), (3) i (4) postaju stavovi (3), (4) i (5).

Član 10.

U članu 24. iza stava (6) dodaje se novi stav (7) koji glasi:

"(7) Kada Općinski vijećnik, u toku trajanja mandata, istupi iz političke stranke, koalicije ili liste nezavisnih kandidata koja je učestvovala na izborima, te postane samostalni vijećnik, ukoliko ispunjava uslove propisane ovim Poslovníkom, ostaje član stalnog radnog tijela, u kojem se zatekao, do isteka mandata vijećnika u Općinskom vijeću, dok istovremeno, politički subjekt, iz kojeg je vijećnik istupio, gubi pravo na to mjesto u tome radnom tijelu."

Dosadašnji stav (7) postaje stav (8), stav (8) postaje stav (9), a stav (9) postaje stav (10).

Iza stava (10) dodaje se novi stav (11) koji glasi:

"(10) Ukoliko neki politički subjekt u Općinskom vijeću prestane biti parlamentaran istupanjem vijećnika koji su bili njegovi članovi, razrješavaju se dužnosti i članovi radnih tijela koje je taj politički subjekt delegirao, a nova raspodjela mjesta u tim radnim tijelima vrši se kako je propisano u stavovima (4), (5) i (6) ovog člana."

Član 11.

U članu 27. iza stava (3) dodaju se novi stavovi (4) i (5) koji glase:

"(4) Članovi radnih tijela ne mogu biti lica koja imaju pravni ili ekonomski interes koji utiče ili može uticati na zakonitost, otvorenost, objektivnost i nepristrasnost u vršenju te dužnosti.

(5) Obavezno je prisustvo jednog predstavnika svakog radnog tijela na sjednicama Općinskog vijeća, a što, na početku sjednice evidentira Stručna služba Općinskog vijeća."

Dosadašnji stav (5), (6) i (7) postaju stavovi (7), (8) i (9).

U istom članu mijenja se dosadašnji stav (7), a sad stav (9) i glasi:

"(9) Zbog efikasnosti rada, mora se voditi računa da, u svakoj komisiji, nadpolovična većina njenih članova, posjeduje iskustvo i stručnost u oblasti koja je u nadležnosti radnog tijela, kako bi komisija mogla davati odgovarajuća stručna mišljenja prema potrebama i na zahtjev Općinskog vijeća."

Član 12.

U članu 31. briše se stav (2).

Član 13.

U članu 32. iza stava (5) dodaje se novi stav (6) koji glasi:

"(6) Prijedlog za razrješenje iz stava (5) ovog člana mogu podnijeti: predsjedavajući Općinskog vijeća, klub vijećnika, radno tijelo ili 1/3 (jedanaest) vijećnika u Općinskom vijeću."

U stavu (6) koji postaje novi stav (7), u trećem redu, iza zarez a se dodaju riječi:

"Čime je ugrožen kvorum za odlučivanje,"
iza zarez a dalji tekst ostaje isti.

Član 14.

Iza člana 49. dodaje se novi član 49a. koji glasi:

"Član 49a

Komisija za rad sa mjesnim zajednicama:

- vrši nadzor nad provođenjem odluka Općinskog vijeća koje se odnose na organizaciju i funkcionisanje mjesnih zajednica,
- razmatra godišnji izvještaj o radu savjeta mjesnih zajednica i druge tačke dnevnog reda vezane za djelovanje mjesnih zajednica, te svoje mišljenje dostavlja Općinskom vijeću,
- razmatra pitanja iz nadležnosti mjesnih zajednica i prati rad organa mjesnih zajednica,
- razmatra inicijative za osnivanje, ukidanje i spajanje mjesnih zajednica i daje svoje mišljenje, prijedloge i o drugim inicijativama upućenim Općinskom načelniku i Općinskom vijeću,
- predlaže mjere za unaprjeđenje rada i organizaciju mjesnih zajednica."

Član 15.

U članu 51. iza stava (9) dodaje se novi stav (10) koji glasi:

"(10) Izuzetno od odredaba propisanih ovim članom, a u cilju zaštite određenih, specifičnih interesa, zbog kojih se klub formira, u Općinskom vijeću se mogu formirati i klubovi vijećnika koji ne podliježu finansiranju u skladu sa Odlukom koja reguliše finansiranje rada klubova vijećnika u Općinskom vijeću."

Član 16.

U članu 55. stav (2) u drugom redu, iza zarez a se briše postojeći tekst i umjesto zarez a se piše tačka.

Član 17.

U članu 60. stav (1), u četvrtom redu, iza riječi "**Federacije**" briše se tekst:

"**iz izborne jedinice Stari Grad Sarajevo**".

Član 18.

U članu 61. briše se stav (3).

Član 19.

U članu 73. iza stava (1) dodaje se novi stav (2) koji glasi:

"(2) **Prije pristupanja glasanju, po svakoj tački dnevnog reda, sekretar Općinskog vijeća utvrđuje broj prisutnih vijećnika i saopštava ga Općinskom vijeću.**"

Član 20.

U članu 112. stav (3), u prvom redu, umjesto riječi "**3 (tri) dana**", pišu se riječi:

"**24 (dvadesetčetiri) sata**".

Član 21.

Zadužuje se Komisija za propise i Statut Općinskog vijeća Stari Grad Sarajevo da, nakon stupanja na snagu ove odluke, sačini prečišćeni tekst Poslovnika Općinskog vijeća Stari Grad Sarajevo.

Član 23.

Ova Odluka stupa na snagu osmi dan od dana objavljivanja u "Službenim novinama Kantona Sarajevo".

Broj 02-49-336/17
Maja 2017. godine
Sarajevo

Predsjedavajući
Općinskog vijeća
Stari Grad Sarajevo
Mr. sc. **Jusuf Pušina**, s. r.

Na osnovu člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13), člana 120. do 123. Poslovnika Općinskog vijeća Stari Grad Sarajevo ("Službene novine Kantona Sarajevo", broj 23/14 i 48/16), Općinsko vijeće Stari Grad Sarajevo, na sjednici održanoj 30.05.2017. godine, na prijedlog Komisije za propise i statut, za davanje autentičnog tumačenja člana 17. stav (1) tačka 1.3. Odluke o dodjeli u zakup poslovnih zgrada i poslovnih prostora Općine Stari Grad Sarajevo i rasporedu poslovnih djelatnosti na području Općine Stari Grad Sarajevo ("Službene novine Kantona Sarajevo", broj 7/16, 16/16, 21/16 i 15/17), iniciran od strane Službe za privredu i finansije Općine Stari Grad Sarajevo, daje sljedeće

AUTENTIČNO TUMAČENJE

ČLANA 17. STAV (1) TAČKA 1.3. ODLUKE O DODJELI U ZAKUP POSLOVNIH ZGRADA I POSLOVNIH PROSTORA OPĆINE STARI GRAD SARAJEVO I RASPOREDU POSLOVNIH DJELATNOSTI NA PODRUČJU OPĆINE STARI GRAD SARAJEVO

1. Članom 17. stav (1) tačka 1.3. Odluke o dodjeli u zakup poslovnih zgrada i poslovnih prostora Općine Stari Grad Sarajevo i rasporedu poslovnih djelatnosti na području Općine Stari Grad Sarajevo ("Službene novine Kantona Sarajevo", broj 7/16, 16/16, 21/16 i 15/17), je regulisano da:
"(1) Poslovni prostori se mogu dodijeliti neposredno, bez javnog oglasa, sljedećim korisnicima:
1.3. klubovima vijećnika koji učestvuju u radu Općinskog vijeća i parlamentarnim političkim strankama za obavljanje osnovne djelatnosti."
2. Odluku o dodjeli u zakup poslovnih zgrada i poslovnih prostora Općine Stari Grad Sarajevo i rasporedu poslovnih djelatnosti na području Općine Stari Grad Sarajevo je donijelo